

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXXVII.

[urn:nbn:de:bsz:31-122751](#)

cent papatui, mihi tam infensum sit hoc genus hominum ut mihi propemodum nullum, quantumvis breve, iter sit satis tutum. Cujus me nuper diligentissime monuit D. D. Varnbülerus, qui Ratispona reversus, quæ insidiæ mihi paratæ essent, significavit, qui etiam iter Hagenoam dissuaserat, quod tamen ingressus sum, sic meo Principe volente & suadente. Hæc si non est sufficiens excusatio, aliam non possum asserre, & spero eam & tibi & Collegio tuo satisfacturam. Dominum testor, nihil esse fictum aut simulatum. Quamvis splendor officiorum me etiam deterrere debeat, quo nuper me officiis, humanitate, convivio propemodum oppressiſtis. Majora sunt certe vestræ erga me benevolentia argumenta, quam ego illis respondere valeam. Sed ad hoc unice spectetis, fidem & expectationem vestrarum non fallam & ero vobis fidus amicus, per gratiam DEI omnibus diebus vitæ meæ, & ea officia vobis de me policeamini, quæ possunt ab amicissimo proficiſci. Reliqua in adventum tuum rejicio. Habes enim epistolam benè longam, sed raptim ut vides scriptam, ut opus sit literas colligere. Ejus ero ego interpres. Omnis enim spero, quod me sis ad tempus constitutum hic inventurus, cum multis bonis viris, qui tui nominis & honoris sunt studiosissimi. Bene & feliciter cum tua honestissima vale, quam & mea vicissim diligenter salutari jussit suo nomine. Tu universo Collegio vestro meo quoque nomine dicas salutem amicissimam. Similiter quoque D. D. Gremppio & aliis Dominis, quibus nomen meum non est ingratum. Intelligo principes nostros vigilare ad rumorem sparsum de opprimendis Evangelicis. Quod si quid tentaverint, urgenter fato & judicium sibi accersunt, impietate & crudelitate sua meritum. De his & aliis coram. Iterum vale. Eſſlingæ, 27. Julii, 1567.

Tuus ex animo & Collegiis Tui totus.

Jacobus Andreæ.

CXXVII.

Salutem in Christo Iesu.

ET si paucis abhinc dieb⁹ ad te scripsi, Reverende & charissime frater, has tamen prioribus addere viſum fuit literas, ut intelligas, mecum contulisse collegam tuum, qui refert, quam inclementer nos à Victorino tractemur. Hanc mihi rependi gratiam pro liberatione, quam ego illi impetravi, qui fortassis nondum evasisset. Qua voluntate sit in te, audies. Neminem quidquam sapere existimat, praeter se solum. Dominus arrogantium hominis puniet horribiliter. Ex alto omnes

despicit superbus grammaticus, qui felicius in suo Pindaro nugaretur, quam in sacris prophanandis. DEUS illum modo perdat, qui Ecclesiae lux maximum malum dedit & porro dabit. Natus est ad turbas, tribunitium plane ingenium, quod nihil nisi laudem sui ipsius arroganter spirat. Occasione oblata ita tractabo eum, ut intelligat, me non despere. Novi quis sit, non est, ut alios tantopere despiciat. Nec omnis eruditio in cœcitate Homeri aut morosa obscuritate Pindari sita est. Nec indoctus centendus est, qui bonas horas in illis nugis non perdidit. Quin horator ero nostris strenuus, ut Castalianis exemplum secuti, hanc stultitiam deplorent, quæ à quibusdam judicatur summa sapientia; sicut videre licet in præfatione Homeri translatorum, quæ mihi summopere probatur. Ego te cum sanctissimo Collegio milles salvare jubeo. Bene & feliciter valete omnes. Eslingæ, pndi
Calend. Augus^t. 1567.

Tuus ex animo totus

Jacobus Andreæ.



CXXIX.

Salutem in Christo.

ACcepimus, Clarissime D. Doctor, duo exempla libri tui, quem ad afferendum Hominis Christi Majestatem contra Cinglianos scripsisti. Primo omnium autem & nostro & Ecclesiæ nomine agimus tibi maximas gratias, quod hunc piuum laborem in te receperis: maximè vero, quod ad collectionem testimoniorum attinet Patrum, qui ab Adversariis nostris novi dogmatis authores audimus, cum haec sit longe omnium verutissima & antiquissima Doctrina, jam inde ab Apostolorum temporibus in Ecclesia magno consensu omnium piorum tradita. Id quod quadraginta S. Patrum testimonios declaravisti, qui intra quingentos annos à Nativitate Christi vixerunt. Etsi autem veremur, ne quidam fastidiosi Lectores prolixitate scripti (quod certe ab omnibus legi optamus) deterreantur, tamen cum tibi visum fuerit explicationem addere & declarationem paulò uberiorē, ne hoc quidem nobis displiceret. Quibus enim veritatis cognitio grata est, illis nihil prolixum esse potest, quod ad veritatem illustrandam suscipitur. Sanctorum Patrum testimonia dissimilia sunt, quedam aperta, quedam minus aperta, quedam fortiter, quedam minus fortiter pugnant. Sed in tanto numero satis est etiam pauca explica & apertissima testimonia habere, quibus cum consentiunt, que minus explica & paulò obscuriora videntur. Certum enim est, omnes pios à tempore Apostolorum hoc de Christo credidisse, quod nos pio consensu docemus, nec de dimidia Christo cogitavisse, quem nobis Cingiani obtrudere conantur. Adoramus

nos